



ԱՌԱՋՆՈՐԴԱՐԱՆ ՀԱՅՈՑ

Ա.Մ. ՆԱՀԱՆԳՆԵՐՈՒ ԱՐԵՄՏԵԱՆ ԹԵՄԻ

WESTERN PRELACY

OF THE ARMENIAN APOSTOLIC CHURCH OF AMERICA

H.E. ARCHBISHOP MOUSHEGH MARDIROSSIAN, PRELATE

Tel: 818-248-7737/8, Fax: 818-248-7745

E-mail: Prelacy@aol.com Website: www.westernprelacy.org



ԹԱՒԼԵԱՆ ՄԱՆԿԱՄԱՈՒՐԻ ԱՇԱԿԵՐՏՆԵՐԸ ԱԶԳԱՅԻՆ ԱՌԱՋՆՈՐԴԱՐԱՆ ԱՅՑԵԼԵՑԻՆ

Ազգային Առաջնորդարանի սրահն ու նրբանցքները Երեքշաբթի, 16 Մարտի առաւօտուն պարուրուեցան գունագեղ տարազներով ճռուողով մանուկներու կենսաւորող մթնոլորտին մէջ: Արդարեւ, Ազգային Թաւլեան մանկամտօրի աշակերտները, մանկամտօրի վարիչ Տիկին Յելեն Մանուչարեանի, դաստիարակներու եւ կարգ մը ծնողներու առաջնորդութեամբ, այցի եկան Ազգային Առաջնորդարան եւ իրենց անմեղունակ արտայայտութիւններով պահ մը մանկացուցին «Ազգի Տունը»:

Թեմիս բարեխնամ Առաջնորդ Բարձր. Տ. Մուշեղ Արք. Մարտիրոսեան դիմաւորեց դեռատի աշակերտներն ու անոնց ընկերացող ուսուցիչները: Առաջնորդ Սրբազանին կողքին էին Զրիստոնեական Դաստիարակութեան բաժանմունքի վարիչները՝ Գերպ. Տ. Միւռն Շ. Վրդ. Ազնիկեան եւ Յոգշ. Տ. Պարթեւ Վրդ. Կիւլիմեան, ինչպէս նաեւ Ազգ. Առաջնորդարանի անձնակազմի անդամներ: Մանուկները նախ առաջնորդուեցան «Ս. Տրդատ եւ Ս. Աշխէն» մատուռը, ուր միասնաբար երգեցին «Հայր մեր»ը եւ ունկնդիր եղան Առաջնորդ Սրբազանին ու Հոգեւոր Հայրերուն Արեւագալի ու այլ շարականներու երգեցողութեան:

Աղօթքի պահէն ետք, աշակերտները խմբուեցան «Տիգրան եւ Չարուհի Տէր Ղազարեան» սրահին մէջ. անոնք իբրեւ իւրայատուկ նուէր՝ պատրաստած էին սեղմ յայտագիր մը՝ երգերով ու արտասանութիւններով: Դեղին եւ կապոյտ դասարանները նաեւ իրենց ձեռակերտը եղող յուշանուէրներ յանձնեցին Առաջնորդ Սրբազանին:

Գրատուն այցելելէ ետք, երբ աշակերտները կը պատրաստուէին բարձրանալ դահլիճ, պատին վրայ նկատեցին Զաչն Վարդան Մամիկոնեանի բարձրաքանդակ պատկերը եւ ինքնաբոլի կերպով սկսան երգել Ս. Վարդանանց նուիրուած երգեր: Դալիճին մէջ, Առաջնորդ Սրբազանը անոնց ուղղեց սրտի խօսք մը. ան յայտնեց, թէ աշակերտները այսօր իր հիւրերն են, ինք զանոնք կ'ընդունի այն դահլիճին մէջ, ուր այցելութեան կու գան պետական անձնաւորութիւններ ու ականաւոր մարդիկ. ան մաղթեց, որ աշակերտներն ալ ականաւոր անհատներ դառնան, երբ հասակ առնեն: Հանդիպումի աւարտին, Առաջնորդ Սրբազանը աշակերտներուն, ուսուցիչներուն ու ընկերակից ծնողներուն յանձնեց յուշանուէրներ ու պատկերներ:

Այցելութեան աւարտին, մանուկներն ու դաստիարակները վերադարձան դպրոց, յիշատակելի պահ մը բոլորելէ ետք Ազգ. Առաջնորդարանի յարկին տակ:

TAVLIAN PRE-SCHOOL STUDENTS VISIT THE PRELACY

On the morning of Tuesday, March 16th, 2010, Tavlian Pre-School students, accompanied by director Mrs. Helen Manoucherian, teachers and parents, visited the Prelacy. Upon their arrival the students were led to the “St. Dertad and St. Ashkhen” Chapel where they were greeted by H.E. Archbishop Moushegh Mardirossian, Prelate, Very Rev. Fr. Muron Aznikian, and Very Rev. Fr. Barthev Gulumian. In the Chapel, the students sang the Lord’s Prayer and followed as the Prelate and Rev. Fathers conducted a brief Lent Sunrise service.

The students then headed to the “Dikran and Zarouhie Der Ghazarian” Hall where they presented a program of songs and recitations, after which they presented the Prelate with a hand made memento.

Following a tour of the bookstore, the students gathered in the reception room where the Prelate conveyed his message and presented the students, teachers, and parents with mementos.